

**COFNODION CYFARFOD CYNGOR CYMUNED LLANDYFAELOG  
GYNHALIWYD YN Y NEUADD 6 CHWEFROR 2020 AM 7.30YH**

**1. Yn bresennol:** Y Cyng Rheinallt Jones (Cadeirydd), Janet Knott, Richard John, Elfyn Williams, Philip Davies ac Arfon Davies (Clerc)

**Ymddiheuriadau:** Y Cyng Mair Stephens, Shan Rees, Meinir James, Eifion Jones a Ronald Thomas.

**Nododd y Cadeirydd gydymdeimlad y Cyngor i'r Cynghorydd Meinir James a Mr James ar farwolaeth ei dad.**

**2. Datganiadau Diddordeb**

Dim datganiadau.

**3. Cadarnhawyd ac arwyddwyd Cofnodion cyfarfod y Cyngor a gynhaliwyd ar 2il Ionawr 2020.**

**4. Materion yn codi**

**1. Sedd wag am Aelod o'r Cyngor** – Nododd y Clerc fod dau fynegiad o ddiddordeb wedi cael eu derbyn i gael eu cyfethol ar y Cyngor gan Mr Wyn James, Llwynyreos, Cwmffrwd a Mr DBV Davies o Maesglasnant, Cwmffrwd. Ar ôl ystyried y ceisiadau, cytunwyd i wahodd Mr Wyn James i gael ei gyfethol i'r Cyngor.

**2. Cyffordd Bolahaul gyda'r A484 yng Nghwmffrwd** – Nodwyd bod y polion ar gyfer yr arwydd adborth gyrwyr newydd wedi'u gosod. Nodwyd.

**3. Difrod i'r palmant oherwydd datblygiad preswyl - Rose and Crown, Llandyfaelog** – Roedd y mater yn parhau i derbyn ystyriaeth.

**4. Ciosg ffôn yng Nghroesyceiliog** – Nododd y Clerc fod y ciosg bellach yn weithredol. Nodwyd.

**5. Pryderon am ddiogelwch y ffyrdd ar gyffordd Llandyfaelog â'r A484** – Cafwyd cadarnhad bod Tîm Ymgynghoriaeth Peirianeg y Cyngor Sir yn brysur iawn ar hyn o bryd gyda archwiliad o fater diogelwch ar y ffyrdd yn y lleoliad hwn yn aros i gael ei raglennu. Nodwyd.

**6. Prosiect uwchraddio goleuadau cyhoeddus LED** – Nodwyd bod gwaith wedi cychwyn yn y Gymuned.

**7. Atgyweirio goleuadau ffordd cerdded** – Nodwyd, er bod y golofn ar gyffordd GD Harries yn Idole wedi'i disodli, nad oedd yr uned oleuadau mewn lle eto. Bydd y Clerc yn gofyn am adnewyddiad ar y mater. Roedd y Cyngor yn aros am gadarnhad hefyd am y sefyllfa mewn perthynas â'r golau solar yn Idole.

**8. Newid hysbysfyddau a phlannwr** – Nododd y Clerc fod dau bris wedi'u derbyn fel a ganlyn:

- Mark's Gardening Services - £1,200.00
- Barry Doyle Carpentry - £760.00

Cytunwyd gofyn i Barry Doyle Carpentry gwblhau'r gwaith.

**9. Pryderon Diogelwch Priffyrdd ar y B4309 ym Mancycapel** – Cafwyd cadarnhad gan y Cyngor Sir:

- byddai'r posibilrwydd o ostwng yr uchafswm cyflymder yn yr ardal yn cael ei godi yn y Gweithgor Cyflymder nesaf;

- bod y marciau ildio ar y groesffordd wedi pylu a byddant yn cael eu hail-baentio;
- bod cais wedi'i godi i'r lleoliad aros ar drefniant monitro cyflymder yr heddlu.

Bydd y Cyngor yn gofyn am fanylion y gweithgor cyflymder ac a oedd yn agored i bresenoldeb cyhoeddus.

**10. Cwlfert yn Cwmale, Pentrepoeth –** Nodwyd bod y Cyngor Sir wedi cynnal ymweliad pellach ac wedi clirio'r cylfatiau i'w boddhad. Nodwyd.

**11. Elusen Llandyfaelog** - Nododd y Clerc fod siec am y balans terfynol o £37.31 wedi'i derbyn a'i bancio. Nodwyd.

**12. Golau LED ger Ysgol Gyfun Bro Myrddin** - Nodwyd bod yr uned oleuadau newydd hon wedi'i haddasu yn dilyn adroddiadau bod gyrwyr yn cael eu dychryn.

**13. Golau stryd yng Nghloigyn** - Cadarnhawyd bod y golau hwn wedi'i atgyweirio. Nodwyd.

**14. Bin sbwriel ar gyfer cysgodfa'n bws cyfeiriad Cydweli yn Llandyfaelog** - Roedd y Clerc wedi codi'r mater hwn gyda'r Cyngor Sir.

**15. Triniaeth mwsogl ac ysgubo Llandyfaelog** - Roedd y Clerc wedi codi'r mater hwn gyda'r Cyngor Sir.

## 5. Gohebiaeth

- 1. Un Llais Cymru** - Gwahoddiad i enwebu Cadeirydd y Cyngor ar gyfer y raffl i fynychu Parti Gardd Palas Buckingham. Nodwyd.
- 2. Cylchgrawn Clerks and Councils Direct** - Nodwyd.
- 3. Banc Barclays** - Datganiadau, cafodd y cysoniad banc ei gydlofnodi gan y Cyngorydd Janet Knott.
- 4. Cyngor Sir Caerfyrddin** - Gwybodaeth yn hyrwyddo gwaith Pwyllgorau Craffu Cyngor Sir Caerfyrddin. Nodwyd.
- 5. Cylchgrawn Chwarae Dros Cymru –** Nodwyd.
- 6. Cyngor Sir Gaerfyrddin** - Cais am enwebiadau ar gyfer Gwobrau Dathlu Diwylliant Sir Gaerfyrddin. Nodwyd.
- 7. Cyngor Sir Caerfyrddin** - Ymgynghoriad ar Gyllideb 2020-21, nodwyd bod y cyfnod ymgynghori wedi cau ar 28ain Ionawr 2020. Nodwyd.
- 8. Cyngor Tref Caerfyrddin** - Gwahoddiad i Gadeirydd y Cyngor fynychu Gorymdaith flynyddol Dydd Gŵyl Dewi ar 29ain Chwefror. Nodwyd.
- 9. Un Llais Cymru** - Gwybodaeth yn darparu amserlen ddefnyddiol i Glercod mewn perthynas â pha gamau y dylid eu cymryd mewn perthynas â Threfniadau Ariannol y Cyngor yn ystod y flwyddyn. Nodwyd.
- 10. Cyngor Sir Caerfyrddin** - Ymgynghoriad ar Gynllun Datblygu Lleol Diwygiedig Sir Gaerfyrddin 2018 - 2033. Gohiriwyd y mater i'w ystyried yng nghyfarfod mis Mawrth.
- 11. Bwrdd Iechyd Prifysgol Hywel Dda** - Gwybodaeth am drefniadau meddygon teulu y tu allan i oriau yn Sir Gaerfyrddin. Nodwyd.
- 12. Un Llais Cymru** - Ymgynghoriad ar drefniadau archwilio ar gyfer Cynghorau Cymunedol yng Nghymru yn y dyfodol. Gohiriwyd y mater i'w ystyried yng nghyfarfod mis Mawrth.

## 6. Cae Idole ac Amwynderau'r Cyngor

- 1. Archwiliad Blynyddol Ardal Chwarae** - Cyflwynodd y Clerc prisiau ar gyfer yr arolygiad blynyddol o'r ardal chwarae fel a ganlyn:

- **Play Inspection Company** £67.50
- **Rospa** £68.50
- **Cyngor Sir Caerfyrddin** £80.00

Cytunwyd i dderbyn y pris isaf derbyniwyd gan y Play Inspection Company.

**2. Prosiect plannu coed WI** - Derbyniwyd awgrym gan WI Cwmffrwd i blannu'r 5/6 coeden Bedw Arian yn yr ardaloedd gwair bob ochr i'r ardal galed yn Gae Idole. Cytunwyd felly y dylid plannu cylch bach o 3 coeden ar bob ochr. Bydd y Clerc yn trafod hyn gyda'r WI.

**3. Contract Torri Gwair - Cae Idole a Glanmorlais i Bwll y Baw** - Cyflwynodd y Clerc tendrau ar gyfer y contract torri gwair blynyddol fel a ganlyn:

- **Wrenvale Nurseries and Landscapes** £2,220
- **Palms Landscapes** £4,630
- **A+E Garden Maintenance** £2,420
- **Mark's Gardening Services** £2,150

Cytunwyd i dderbyn y tendr isaf gan Mark's Gardening Services.

## 7. 75ain Penblwydd diwedd yr Ail Ryfel Byd

Trafododd aelodau ddigwyddiadau a oedd yn cael eu hystyried i nodi'r pen-blwydd a fydd y Cyngor yn aros am ddatblygiadau pellach.

## 8. Wefan hygyrch

Cyflwynodd y Clerc prisiau ar gyfer darparu gwefan hygyrch wedi'i diweddaru fel a ganlyn:

- **Vision ICT** £1,320.00
- **Netbop** £1,200.00
- **Steve Chilvers** £1,400.00
- **W3designs** £1,897.00

Yn dilyn trafodaeth, cytunwyd oherwydd ansawdd y wefan bresennol a ddarperir gan Vision ICT, i gadw eu gwasanaethau ar gyfer datblygu'r wefan newydd.

## 9. Cytundeb yr Atgyweiriwr

Cadarnhaodd y Clerc fod dau unigolyn wedi mynegi diddordeb yn y rôl fel a ganlyn:

- **Mark's Gardening Services** £20.00 yr awr
- **Michael Leefe - Handyman Service** £15.00 yr awr

Cytunwyd gofyn i Michael Leefe cario allan y rôl o naill ai 1af Mawrth neu 1af Ebrill ar dreial 6 mis.

## 10. Adroddiad Cynllun Iaith Gymraeg

Cyflwynodd y Clerc yr adroddiad blynyddol drafft i Comisiynydd y Gymraeg ar gydymffuriad y Cyngor â'i Gynllun Iaith Gymraeg. Cytunwyd yr adroddiad er mwyn ei arwyddo gan y Cadeirydd i'w ddychwelyd.

## 11. Cynllunio

**a) Cais Cynllunio Llawn W/40101** – Adeiladu cartref newydd, Plot 11, Croesyceiliog, SA32 8DS, Mr a Mrs Simon a Lindsey Warwick. Dim gwrthwynebiadau.

## 12. Cyfrifon

### a) Cytunwyd y taliadau canlynol

| 1.           | Disgrifiad              | Cyflog            | Costau          | Cyfanswm Gros | Treth wedi tynnu ffwrdd | YG wedi tynnu ffwrdd | Cyflog Net |
|--------------|-------------------------|-------------------|-----------------|---------------|-------------------------|----------------------|------------|
| Arfon Davies | Cyflog lonawr a chostau | £615.09<br>£18.00 | £7.00<br>£25.00 | £665.09       | £124.40                 | £0.00                | £540.69    |

**2. Mark's Gardening Services £400.00** Taliad Rhagfyr a lonawr

## 13. Materion arall a godwyd gan aelodau

1. Nodwyd bod yna diffyg goleuadau yng nghysgodfa'n bysiau Llandyfaelog ar gyfer gwasanaethau i gyfeiriad Gydweli. Bydd y Clerc yn codi hyn gyda'r Cyngor Sir.

**Cynhelir Cyfarfod nesaf y Cyngor Nos Iau 5<sup>ed</sup> Mawrth 2020.**